

Notisi

Tikinisiga: 10 ni Maji, 2014

Kivei Ira Na: Vakaitutu Raraba; Vitusagavulu ni
iWasewase; Peresitedi ni Kaulotu, iTeki,
kei na Tikina; Bisopi kei na Peresitedi ni
Tabana

Mai na: Tabacakacaka ni Kaulotu (801-240-2222)

Ulutaga: Dikevi ni Matenigacagaca vei ira na Lesumai ena Kaulotu

NA LOTU I
JISU KARISITO
NI YALODODONU
EDAIDAI

Na matenigacagaca e dua na mate ka vakadewa na bekitiria me vakacacana na yatevuso kei na so na veitiki ni yago dredre. Sa ka bibi na nodra na dikevi ena matenigacagaca o ira na lesumai ena kaulotu baleta ni rawa me a takavi ira na mate ka sega ni kilai ni sa tiko vei ira na kena manumanu lalai.

Sa tiko oqo e loma na ivola mai vei peresitedi ni kaulotu era na kauta tiko yani na daukaulotu, ka ra vakasalataki tiko yani kina me ra laki dikevi ena matenigacagaca ni ra sa yaco yani kina nodra itikotiko. Na ilavelave vakalivaliva ni ivola oqo e rawa ni tabaka o peresitedi ni kaulotu mai na Tobu ni Peresitedi ni Kaulotu (missionary.lds.org/presidents) se mai na vakaillesilesi ni valenivolavola ni kaulotu ena mataveilawa ni Veiqaravi Vakavuniwai (missionarymedical.org).

Keitou kerei ira na iliuliu ni matabete vakaitaukei me ra vakauqeti ira na daukaulotu era sa lesumai me ra na laki qaravi vakavuniwai baleta na matenigacagaca ni ra sa lesu yani kina nodra itikotiko ka vakadeitaka ni sa tiko vei ira na veika e vinakati me ra na qaravi kina vakarawarawa.

Elder / Sister _____:

Ulutaga: Qaravi ni Matenigacagaca

Na matenigacagaca e dua na mate ka vakadewa na bekitiria me vakacacana na yatevuso kei na so na veitiki ni yago dredre. Dau veitakavi wasoma ka sa via yacova sara na dua na ikatolu ni iwiliwili ni lewei vuravura e rawa ni takavi ira tiko. O ira e tauvi ira tiko na mate, ni ra dau vu sa na rawa ni ra sa vakadewataka sara tikoga na mate vei ira tale e so.

E levu na tamata e tauvi ira tiko na matenigacagaca ka na sega ni laurai totolo e dua na kena ivakatakilakila. Oqo e dau vakatokai na *matenigacagaca vulaci*. O ira e tiko vei ira na matenigacagaca vulaci sa na tiko ena 10 na pasede na kena na rawa ni dewavi ira na mate e muri.

Me rawa ni tarovi na kena na rawa ni dewavi iko na matenigacagaca, sa ka *bibi sara* mo na dikevi vakavuniwai baleta na matenigacagaca ena dua na gauna totolo ni ko sa lesu mai na kaulotu. Kakua ni nanuma na macala ni nomu a dikevi vakavuniwai baleta na matenigacagaca ni bera na nomu a laki kaulotu (se a kune vei iko se sega), sa na gadrevi ga mo na raica e dua na vuniwai se tabacakacaka ni bula me na rawa ni ko dikevi ena gauna o sa lesu kina ki na nomu itikotiko. Ena gadrevi talega mo na laurai vakawasoma ke gadrevi vaka kina.

Kevaka me sa laurai vei iko na matenigacagaca vulaci, mo sa na vakamuraia na ivakasala ena solia o vuniwai se na nomu tabacakacaka ni bula mai na veika sa tiko ena lawatu ni nomu vanua. Sa vakavinavinakataki na nomu maroroya tu mai na nomu bula me rawa kina ni ko na bulabula tu ga ena veigauna mo qarava kina vakavinaka na nomu itavi vakaitalai ni Turaga ena nomu bula taucoko.

Wekamuni dina,

Peresitedi ni Kaulotu